

# Kalihokan 1. Pagkamasulundon sa mga balaod sa Dios

- Unsa ang pipila sa mga balaod sa imong komunidad?
- Unsa ang mahimong resulta sa makanunayon nga pagsunod o dili pagsunod sa mga balaod?
- Sa unsang paagi kini nga pagtandi susama o lahi sa mga balaod sa Dios?

Si Nephi ug ang iyang mga sumusunod misunod sa mga sugo sa Ginoo (tan-awa sa 2 Nephi 5:10). Basaha ang tudling sa doktrinal nga kahanas sa Mosiah 2:41 ug pangitaa kon unsay gusto ni Hari Benjamin nga masabtan sa iyang katawhan mahitungod sa pagsunod sa mga sugo sa Dios. Mahimo nimong ikonsiderar ang pag-cross-reference niini nga bersikulo ngadto sa 2 Nephi 5:10.

- Sa imong hunahuna sa unsang paagi ang pagsunod sa mga balaod sa Dios makatabang kanato nga magmalipayon?
- Giunsa pagpakita ni Jesukristo ang pagkamasulundon?
- Unsa ang pipila sa mga sugo sa Dios nga nakahatag kanimo og mas dakong kalipay?

# Kalihokan 2. Trabaho ug kaugalingon nga pagpaningkamot

Sa usa ka palid sa papel o sa imong journal sa pagtuon, paggahin og kadiyot sa paghimo og lista sa mga benepisyo nga imong masulti nga gikan sa kakugi.

Basaha ang 2 Nephi 5:11, 15, 17 ug ilha ang nagkalain-laing mga paagi nga ang mga Nephite mitrabaho ug ang mga resulta sa ilang mga paghago.

Basaha ang “Trabaho ug Pagpaningkamot sa Kaugalingon ” diha sa *Alang sa Kalig-on sa mga Kabatan-onan nga booklet* (2011) ug tan-awa kon unsay imong makat-onan mahitungod sa baroganan sa trabaho.